



Infheidhme maidir le	Sky Group
Dáta éifeachtach	1 ^ú Ean 2023
An chéad athbhreithniú eile	1 ^ú Ean 2024
Aicmiú Beartais	Srianta
Úinéir an Bheartais	Group Security, Resilience & Safety

Sky Listens Beartas Labhair Amach (Sky Group)

Cuirtear síos sa bheartas seo ar an tslí is féidir údair imní maidir le mí-iompar neamhdhleathach nó mí-eiticiúil i ndáil le gníomhaíochtaí agus caidreamh gnó Sky a tharraingt anuas tríd ár gclár Sky Listens. Is féidir le fostaithe gach ceann de na cainéil Sky Listens labhairt amach a úsáid, ach is féidir le custaiméirí, soláthraithe, comhpháirtithe gnó nó tríú páirtithe eile cuid díobh a úsáid chun údair imní maidir le Sky a tharraingt anuas. Mínítear sa bheartas seo, leis, cuid de phríomhchúraimí fostaithe ó thaobh an clár a dhéanamh éifeachtach.

- Chun **an doiciméad** seo a phriontáil, deaschliceáil ar an leathanach agus roghnaigh “Print”, nó brúigh “Control” agus “P” más gléas Windows atá in úsáid agat, nó “Command” agus “P” más Mac atá in úsáid agat, agus roghnaigh do phrintéir.
- Chun ábhar **a íoslódáil**, deaschliceáil ar an leathanach agus roghnaigh “Print”, nó brúigh “Control” agus “P” más gléas Windows atá in úsáid agat, nó “Command” agus “P” más Mac atá in úsáid agat, agus roghnaigh “Save as PDF” in ionad do phrintéara.

Clár

1.0	Cuspóir	3
2.0	Infheidhme maidir le	3
3.0	Prionsabail.....	3
4.0	Labhairt Amach	4
4.1	Cad ba cheart a Thuairisciú	4
4.2	Conas Údar Imní a Tharraingt Anuas	5
4.3	Cúraimí Bainisteoirí.....	6
4.4	Cad a Dhéanann Sky le Tuairiscí.....	6
4.5	Frithbheartaíocht, Rúndacht agus Géarú.....	7
4.6	Nochtadh Seachtrach & Comhairle.....	8
5.0	Eisceachtaí ar an mBeartas seo	9
6.0	Na hIarmhairtí má Sháraítear an Beartas seo	9
7.0	Sárúithe nó Údair Imní a Thuairisciú.....	9
8.0	Athruithe ar an mBeartas seo	9
9.0	Faireachán agus Athbhreithniú ar an mBeartas seo	10
10.0	Point(e)(i) Teagmhála	10
11.0	Úinéir an Bheartais.....	10
12.0	Aguisíní	11
	Aguisín A – Sainmhínithe agus Nótaí Míniúcháin	11
	Aguisín B – Naisc Sheachtracha	11

1.0 Cuspóir

Geallann Sky, lena n-áirítear a ghnólachtaí oibriúcháin agus Fochuideachtaí Rialaithe ar fud an domhain (“**muidne**”, “**sinne**”, “**ár**” i dteannta a chéile, “**Sky**” nó “**Company**”) an rud ceart a dhéanamh, agus gníomhú le hionracas agus de réir a gcaighdeán eiticíúla is airde, i ngach cuid dár ngnóthaíochtaí agus caidreamh gnó ar fud an domhain agus bíimid ag súil leis an rud céanna ónár bhfoireann.

Tacaíonn an beartas seo (“**Beartas**”) le **Comcast Corporation Code of Conduct (Cód Iompraíochta Corparáidí Comcast)** agus cuirtear síos is féidir údair imní maidir le mí-iompar neamhdhleathach nó mí-eiticíúil i ndáil le gníomhaíochtaí agus caidreamh gnó Sky a tharraingt anuas tríd ár gclár Sky Listens. Mínítear sa bheartas seo, leis, na príomhchúraimí fostaithe ó thaobh an clár a dhéanamh éifeachtach.

Fónann an Beartas seo chun tuairisciú a éascú gan eagla roimh fhrithbheartaíocht ionas gur féidir lenár gclár an ghnólacht a chur ar an eolas maidir le fadhbanna féideartha agus feabhsúchán éifeachtach a chur ar fáil.

Comhlíonann na prionsabail, na riachtanais agus na nósanna imeachta arna gclúdach sa Bheartas seo na dlíthe agus rialacháin is infheidhme maidir le sceithireacht. Áirítear orthu sin an U.K. Employment Rights Act 1996 (Acht um Chearta Fostaíochta na Ríochta Aontaithe 1996), the U.K. Public Interest Disclosure Act 1998 (Acht um Nochtadh Leasa Phoiblí Acht na Ríochta Aontaithe 1998), Dlí Iodálach 179/2017, Forairne Reachtaíochta 231/2001 na hIodáile, Acht na hÉireann um Nochtadh Cosanta 2014, Dlí Uimh. 93/2021 na Portaingéile, Acht na Gearmáine maidir le hoibleagáidí um Dhícheall Cuí Corparáideach i ndlí na Slabhraí Soláthair (LkSG) agus i ndlíthe agus i rialacháin ghaolmhara i dtíortha eile ina n-oibrímid, mar a leasaítear ó am go chéile (“**Dlíthe sceithireachta i dteannta a chéile**”).

Is cabhair é comhlíonadh an Bheartais seo chun Sky, Comcast agus ár bhfoireann a chosaint ar sháruithe féideartha de dhlíthe agus rioscaí rialála, airgeadais, nó dea-chlú.

2.0 Infheidhme maidir le

Baineann na freagrachtaí sa Bheartas seo le gach Fostaí de chuid na Cuideachta, cibé buan nó sealadach, is cuma cá bhfuil siad suite (“**tusa**” nó “**Fostaí**” nó “**foireann Sky**”).

3.0 Prionsabail

Geallann Sky ár ngnó a dhéanamh go cóir, le meas agus ionracas. Bíimid ag súil ó fhoireann iomlán Sky go gcomhlíonfaidh siad na caighdeáin is airde ó thaobh iompraíocht eiticíúil agus trédhearacht agus go dtarraingeoidh siad anuas aon údair imní a luaithe is féidir.

Mínítear sa Bheartas seo an tslí is féidir leat údair imní maidir le haon cheann de na saincheisteanna sa roinn “Cad is ceart a Thuairisciú” thíos a tharraingt anuas. Leagtar amach ann na príomhchúraimí atá ar ár bhfostaithe chun tuairisciú a éascú, lena n-áirítear saincheisteanna a gcuireann siad eolas orthu a ghéarú, chomh maith le frithbheartaíocht a chosc. Mínítear sa Bheartas seo, leis, conas an t-ábhar a ghéarú má tá tú míshásta le freagairt Sky.

Níl an Beartas ceaptha le díriú ar phróisis na Cuideachta chun údair imní mar gheall ar iompraíocht neamhdhleathach nó mí-eiticíúil a láimhseáil a d'fhéadfaí a chur ar a shúile dó mar thoradh ar dhlíthíocht, imscrúdú rialtais, nó caingean dlí den sórt sin a thionscnaítear in aghaidh na cuideachta.

4.0 Labhairt Amach

Chun tacú le cultúr ginearálta de chumarsáid agus de thuirisciú oscailte, chruthaigh Sky Clár **Sky Listens**. Soláthraíonn sé seo roinnt cainéal chun údar imní a tharraingt anuas agus tugann sé bealaí éagsúla do chách chun d'údar imní a chur in iúl do Sky.

Moltar duit labhairt amach tríd an gcainéal nó an rogha a leagtar amach i alt 4.3 thíos a úsáid. Beag beann ar an modh a roghnaíonn tú, smaoinigh ar d'údar imní a tharraingt anuas ag an gcéim is luaithe is féidir.

Mura n-éilítear é faoin dlí áitiúil, ní cheanglaíonn Sky ort d'aitheantas a nochtadh agus tá Líne Chabhrach agus Tairseach Gréasáin faoi rún againn a chiallaíonn gur féidir leat tuairisc a dhéanamh gan lígean ort cé thú féin. I dtíortha áirithe tá DA in ann tuairiscí gan ainm a fháil ar an bhfón. Féadfaidh duine ar bith tuairisc a chur isteach ar [an Líne Chabhrach nó Tairseach Gréasáin](#) agus tá an nasc seo ar fáil, leis, i gCód Iompraíochta Comcast.

Gheofar sonraí teagmhála Fostaithe do ranna Sky ar an [Group Global SharePoint for Group Security, Resilience & Safety](#).

4.1 Cad ba cheart a Thuairisciú

Is féidir go mbaineann d'údar imní le héagóir a rinneadh, atá ar siúl nó ar dócha a tharlóidh laistigh de Sky, nó atá ag tarlú lasmuigh de Sky ach a d'fhéadfadh a bheith nasctha linn nó tionchar a bheith aige orainn. Is féidir aon údar imní a tharraingt anuas tríd ár Líne Chabhrach nó Tairseach Gréasáin, cibé an mbaineann sé leas as cosaintí dlí do sceithirí nó nach mbaineann (féach 4.6 thíos chun tuilleadh eolais ar seo a fháil).

4.1.1 Saincheist san Áit Oibre: Aon líomhain nó údar imní a bhaineann le taithí **laethúil an fhostaí** ar nós:

- (a) caitheamh éagórach,
- (b) údair imní faoi leithdháileadh na hoibre,
- (c) pearsantachtaí ag teacht salach ar a chéile i gcás comhoibrí nó bainisteora,
- (d) coimhlintí sceidealaithe, nó
- (e) fabhraíocht.

4.1.2 Saincheist Fostaíochta Cóir: Aon líomhain nó imní faoi iompar mídhleathach nó mí-eiticiúil amhrasta trína ndearbhaítear sárú ar phrionsabail **Caitheamh le Daoine go Cothrom agus le Meas** atá leagtha amach i gCód Iompraíochta Comcast, nó aon bheartas bainteach le Sky, ag Sky, nó ag Fostaí, Soláthraí, Comhpháirtí Gnó nó ionadaí Tríú Páirtí de chuid na Cuideachta, mar shampla:

- (a) aon sárú ar dhlí nó rialachán den dlí saothair nó fostaíochta is infheidhme,
- b) idirdhealú, agus ciapadh e.g., bunaithe ar chine, inscne, aois, reiligiún, míchumas, bunús náisiúnta nó aon tréith nó stádas atá faoi chosaint an dlí (a d'fhéadfadh a bheith éagsúil ó thír go tír),
- (c) timpeallacht oibre naimhdeach mar atá sainmhínithe i mbeartais fhoireann Sky (e.g., cine, inscne, aois, reiligiún, míchumas, tionscnamh náisiúnta).

4.1.3 Saincheist Ionracais: Aon líomhain nó údar imní maidir le **hiompraíocht neamhdhleathach nó mí-eiticiúil**, a rinne Sky, Fostaí, Soláthraí, Comhpháirtí Gnó nó ionadaí Tríú Páirtí den Chuideachta in aon réimse amhail:

- (a) Sárú ar an gCód Iompraíochta.
- (b) Cuntasaíocht, rialuithe inmheánacha cuntasaíochta nó cúrsaí iniúchóireachta.
- (c) Breabaireacht nó éilliú.
- (d) Calaois; speansais taistil agus shiamsaíochta a fhalsú.
- (e) líon custaiméirí nó méadrachtaí a fhalsú.
- (f) Coimhlintí leasa.
- (g) Nochtadh faisnéise rúnda dílseánaigh nó gnó.

- (h) Mí-úsáid nó goid sócmhainní Cuideachta.
- (i) Díol drugaí mídhleathacha; gníomhartha foréigneacha nó bagairtí ar shábháilteacht phearsanta.
- (j) Coinníollacha atá ina gcontúirt nó ina nguais d'Fhostaí, do chustaiméir, d'áis nó don phobal i gcoitinne. (lena n-áirítear radaíocht, sábháilteacht núicléach).
- (k) Údair imní maidir le cearta daonna, lena n-áirítear sclábhaíocht nua-aimseartha.
- (l) Sáruithe ar sholáthar poiblí.
- (m) Mí-dhíol táirgí agus seirbhísí airgeadais, nó mí-iompar margaí.
- (n) Sciúradh airgid.
- (o) Imghabháil cánach.
- (p) Sábháilteacht táirgí agus saincheisteanna comhlíontachta.
- (q) Fadhbanna sábháilteachta iompair.
- (r) Imní faoin tionchar comhshaoil (lena n-áirítear radaíocht, sábháilteacht núicléach).
- (s) Iompar nó cleachtais neamhsábháilte san ionad oibre a d'fhéadfadh sláinte agus folláine aon duine aonair a chur i mbaol.
- (t) Sábháilteacht bia agus beatha, sláinte agus leas ainmhithe.
- (u) Sárú ar chearta tomhaltóirí.
- (v) Príobháideacht agus sonraí pearsanta a chosaint, agus slándáil córas agus líonraí faisnéise.

4.1.4 Frithbheartaíocht: Aon líomhain nó údar imní maidir le **frithbheartaíocht** a thagann chun cinn de dhroim údar imní a tharraingt anuas nó faisnéis a sholáthar don Chuideachta.

4.2 Conas Údar Imní a Tharraingt Anuas

Féadfaidh foireann Sky ceisteanna nó údair imní a tharraingt anuas trí theagmháil a dhéanamh le:

- (a) do bhainisteoir,
- (b) do DA áitiúil, teagmhálaí Slándála, nó Dlí (Comhlíontacht san áireamh),
- (c) do Chomhairle Oibreacha áitiúil,
- (d) líne Chabhrach rúnda Sky Listens nó,
- (e) tairseach Gréasáin rúnda Sky Listens.

Is féidir le custaiméirí, soláthraithe, comhpháirtithe gnó nó tríú páirtithe eile an Líne Chabhrach Rúnda agus an Tairseach Gréasáin a úsáid freisin má tá imní orthu faoi iompar neamhdhleathach nó mí-eiticiúil féideartha maidir lena gcaidreamh linne nó aon ghné eile dár ngnó.

Cé gur féidir le duine ar bith an Líne Chabhrach agus an Tairseach Gréasáin a úsáid, tá cearta breise ag roinnt Oibrithe (féach Sainmhínte) nó tríú páirtithe eile nach fostaithe de chuid Sky iad faoi na Dlíthe Sceithreachta áitiúla agus údar imní á tharraingt anuas acu, a fhaigheann siad i gcomhthéacs oibre. Go ginearálta, féachann Sky le déileáil le gach údar imní nach gearán 'ionad oibre' é go comhsheasmhach agus de réir na gcaighdeán cláir lárnacha cothroime agus rúndachta atá leagtha amach sa doiciméad seo. Féach alt 4.6 den Bheartas seo chun tuilleadh eolais a fháil ar chearta sceithirí.

Gheofar gach **uimhir Líne Chabhrach Rúnda agus an Tairseach Gréasáin** ag www.ComcastSkyListens.com. Tá roghanna ann maidir le 'Déan tuairisc ar an nguthán' agus 'Déan tuairisc ar líne' (lena n-áirítear a bheith in ann é a dhéanamh i do theanga féin).

Is cuid de Chlár Comcast NBCUniversal Listens ginearálta é Clár Sky Listens agus áirítear ann Líne Chabhrach Rúnda agus Tairseach Gréasáin arna riar ag NAVEX Global, Inc. ("**Navex**"), ar tríú páirtí neamhspleách é.

Tá próiseas trínar féidir le Fostaithe cumarsáid a dhéanamh lena bhaill bunaithe ag Coiste Iniúcháireachta Comcast Corporation. Má tá údar imní agat, is féidir leat ríomhphost a sheoladh chuig: Audit_Committee_Chair@comcast.com. Láimhseáiltear comhfhreagras a fhaightear i gcontas ríomhphoist Chathaoirleach an Choiste Iniúcháireachta i gcomhréir leis na nósanna imeachta atá bunaithe ag an gCoiste Iniúcháireachta. Gheofar tuilleadh faisnéise ach cuairt a thabhairt ar an roinn [Déan teagmháil leis an mBord](#) de láithreán gréasáin Comcast Corporation.

Ba cheart d'fhoireann Sky amhras faoi sciúradh airgid a tharraingt anuas le hOifigeach Ainmnithe Sky agus údair inní faoi chosaint sonraí a tharraingt anuas leis an Oifigeach Cosanta Sonraí. Is féidir le duine ar bith eile údair inní faoi na réimsí seo agus réimsí eile a tharraingt anuas tríd an Líne Chabhrach nó an Tairseach Gréasáin.

4.3 Cúraimí Bainisteoirí

Bímid ag súil leis go gcomhoibreoidh gach fostaí, bainisteoirí san áireamh, go hiomlán agus go macánta in imscrúduithe d'aon sórt a sheolann an Chuideachta ionas gur féidir bunús na saincheiste a dhéanamh amach agus díriú air mar is cuí. Is féidir go dteastóidh imscrúdú domhain i gcás údair inní áirithe (lena n-áirítear ó speisialtóir a bhfuil an taithí nó scileanna cuí aici/aige), a bhféadfadh cruinnithe le finnétithe nó daoine eile a bhí bainteach leis, agus bailiú doiciméad, a bheith i gceist ann. Mar fhostaí nó mar bhainisteoir fostaí atá bainteach le himscrúdú, d'fhéadfadh a iarraidh ort cabhrú leis seo; agus má iarrtar, beimid ag súil go gcoimeádfaidh tú faoi rún é.

Mar threoraithe foirne san eagraíocht, tá cúraimí breise ar bhainisteoir chun tacú leis an mBeartas seo agus i dtaca le cultúr ina gcuirtear ár gCód chun feidhme. Ní mór do bhainisteoirí an sampla ceart a thabhairt agus bheith mar eiseamláirí dá bhfoirne agus do na fostaíthe uile. Tá sé ríthábhachtach go gcothófa timpeallacht oscailte tuairiscithe ina spreagtar fostaíthe chun ceisteanna a chur, údair inní a tharraingt anuas, agus labhairt amach.

Nuair a fhaigheann bainisteoirí scéala faoi údar inní nó nuair a chuireann duine dá bhfostaíthe údar inní in iúl dóibh, ní mór dóibh na nithe seo a leanas a dhéanamh:

- Maidir le **saincheist san ionad oibre** (mar atá sainmhínithe thuas), ní mór duit é a choinneáil faoi rún, gníomh neamhchlaonta a ghlacadh láithreach chun an cheist a thuiscint agus a réiteach, do chur chuige agus an toradh a dhoiciméadú [agus é seo a sholáthar do do chomhpháirtí gnó AD.] Má tá amhras ort faoi conas é seo a dhéanamh, ba cheart duit cúnadh a iarraidh trí dhul i dteagmháil le do chomhpháirtí gnó AD.
- I gcás saincheist "**fostaíochta cothroime**" ní mór duit é a thuairisciú láithreach do do chomhpháirtí gnó AD; nó mura féidir é sin a dhéanamh ar chúis ar bith, le Caidreamh idir Fostóirí agus Fostaíthe. Déanfaidh siad imscrúdú ar na cásanna seo de ghnáth. Níor cheart do bhainisteoirí na ceisteanna seo a fhiosrú riamh iad féin. Má thagann na saincheisteanna seo chun cinn le linn duit a bheith ag réiteach saincheist 'áit oibre,' ní mór duit é a thuairisciú láithreach.
- Maidir le '**saincheist sláine**' (mar atá sainmhínithe thuas) ní mór duit é a thuairisciú láithreach do Group Security (Grúp-Sláindáil); nó murar féidir é sin a dhéanamh ar chúis ar bith, do do chomhpháirtí gnó AD, do Chaidreamh idir Fostóirí agus Fostaíthe nó do d'fhoireann áitiúil Comhlíontachta. De ghnáth sannfar imscrúdaitheoir neamhspleách ag brath ar an taithí agus/nó na scileanna a theastaíonn.
- Beag beann ar an údar inní a tarraingíodh anuas, ní ceadmhach do bhainisteoirí a bheith páirteach in aon chineál **frithbheartaíochta** riamh agus ní mór duit é seo a threisiú le haon duine lena ndéileáilann tú le linn imscrúdaithe. Ní mór duit aon fhrithbheart nó líomhain frithbheartaíochta ó dhaoine eile a thuairisciú láithreach mar "saincheist sláine".

4.4 Cad a Dhéanann Sky le Tuairiscí

4.4.1 Cad a tharlaíonn tar éis dom tuairisc a chomhdú?

Féachann Sky lena chinntiú go n-adhmaítear tuairiscí labhairt amach leis an tuairisceoir laistigh de sheacht (7) lá tar éis iad a fháil agus go n-athbhreithnítear iad ag bail foirne atá freagrach go neamhspleách as tuairiscí rúnda sceithireachta a mheasúnú agus a láimhseáil. Ag brath (mar atá leagtha amach in alt 4.3 thuas) ar an tsaincheist, sanntar cásanna d'imscrúdaitheoir neamhspleách cuí, a chinnfidh an gá atá le himscrúdú agus raon feidhme aon imscrúdaithe.

Féadfaidh an t-imscrúdaitheoir/na himscrúdaitheoirí moltaí a dhéanamh freisin, lena n-áirítear torthaí ar

iompraíocht daoine aonair, a bhféadfadh atreorú a bheith mar thoradh orthu chuig na próisis fhoirmiúla iompraíochta is infheidhme i ngach tír ina n-oibrímid. Féadfaidh an t-imscrúdaitheoir leasúcháin eile, nó athruithe, a mholadh chun go mbeimid in ann an riosca a bhaineann le héagóir amach anseo a mhaolú, ar nós feabhsuithe beartais, mar shampla. Bímid i gcónaí ag iarraidh cásanna a imscrúdú agus torthaí a bhaint amach chomh pras agus chomh héifeachtach agus is féidir linn.

4.4.2 An gcuirfeadh an toradh in iúl dom?

Má tá do chuid faisnéise teagmhála curtha ar fáil agat nó má d'úsáid tú an Líne Chabhrach nó an Tairseach Gréasáin, coinneoidimid ar an eolas thú faoi phríomhdhul chun cinn an imscrúdaithe. Cuirfimid aiseolas ar fáil nuair is féidir linn de réir an dlí ach sláine an imscrúdaithe a choinneáil. D'fhéadfadh sé go gcoiscfí orainn sonraí ar leith an imscrúdaithe nó aon ghníomh araíonachta a ghlactar mar thoradh air a thabhairt más gá le himscrúdú a chur i gcrích go neamhchlaonta, go rúnda agus ar bhealach a chaitear go cothrom lenár bhfostaithe. De ghnáth ní thabharfaí sonraí duit faoi ghníomh araíonachta ar leith a rinneadh i gcoinne daoine aonair eile. Nuair is féidir linn aiseolas a sholáthar duit, ba chóir duit caitheamh le haon fhaisnéis faoin imscrúdú mar fhaisnéis rúnda i gcónaí.

Má roghnaigh tú fanacht gan ainm, cuireann an Líne Chabhrach Rúnda agus an Tairseach Gréasáin cainéal díreach ar fáil trínar féidir le Sky cumarsáid a dhéanamh leat agus d'anaithnideacht a choinneáil. Mar sin féin, féadann sé seo é a dhéanamh níos deacra aon údar imní a ardaítear a fhiosrú mar go mb'fhéidir nach mbeimid in ann d'ábhair imní a phlé go hiomlán leat nó tuilleadh faisnéise a fháil. Spreagann Sky tú chun tú féin a aithint nuair is féidir leat, ach má roghnaíonn tú gan é a dhéanamh, ní dhéanfimid aon iarracht a fháil amach cé thú féin.

I gcás ina dtuairiscítear coir nó teagmhas tromchúiseach eile, bíonn an t-amhrastach neamhchiontach i gcónaí go dtí go gcruthaítear a mhalairt agus mura gcruthaítear a mhalairt (mar shampla, i gcás ina bpléadálann siad ciontach i gcion). Mar sin féin, d'fhéadfadh go mbeadh gá le cinntí cuí ar nós fionraíochta chun foireann Sky, ár ngnó, agus tríú páirtithe a chosaint (lena n-áirítear, ach gan a bheith teoranta dár Soláthraithe agus Comhpháirtithe Gnó). Ní chiallaíonn fionraí go bhfuil líomhain cruthaithe nó go dtuigtear dúinn go bhfuil ciontach ann.

4.4.3 Cén tacaíocht atá ar fáil dom?

Tuigeann Sky go bhféadfadh strus agus corraíl a bheith ag baint le bheith páirteach in imscrúdú ar bhealach ar bith. Geallaimid an tionchar ar dhaoine aonair a íoslaghdú trí imscrúduithe tráthúla, cothroma agus neamhchlaonta a dhéanamh agus féachaimid le tacaíocht chuí a sholáthar do dhaoine aonair tríd an bpróiseas.

Má bhraitheann tú go dteastaíonn tacaíocht uait agus imscrúdú ar bun is féidir leat ceist a chur ar an Imscrúdaitheoir. Féadfaidh siad teagmháil a dhéanamh le AD nó le do bhainisteoir líne a thabharfaidh tacaíocht phearsanta duit mar chuid dá ról. Má theastaíonn tacaíocht uait maidir leis an imscrúdú féin, is féidir leat é seo a phlé leis an Imscrúdaitheoir. Féadfaidh siad tú a atreorú chuig roinn nó chuig duine níos oiriúnaí chun cabhrú leat ach beidh siad in ann comhairle a sholáthar sula ndéanann siad amhlaidh. Ba cheart duit a chinntiú i gcónaí go gcoimeádtar aon ní a bhaineann leis an Imscrúdú faoi rún.

4.5 Frithbheartaíocht, Rúndacht agus Géarú

4.5.1 Frithbheartaíocht

Ní cheadaíonn Sky frithbheartaíocht in aghaidh aon Tuairisceora a ardaíonn údar imní de mheon macánta nó a ghlacann páirt i láimhseáil nó in imscrúdú údar imní cibé an údar imní iarbhír nó amhrasta atá i gceist (fiú mura mbíonn bunús leis an údar imní ar deireadh). Féachann Sky le frithbheartaíocht a chosc trína bheith soiléir gur sárú ar an mBeartas seo é agus gur dócha gur ceist iompraíochta a bheidh ann má chruthaítear é.

Níor cheart go gcaithfí le duine ar bith ar shlí dhíobhálach toisc gur tharraing siad údar imní anuas. Tá roinnt samplaí curtha ar fáil againn thíos do na cineálacha rudaí a bhféadfaí a mheas mar chaitheamh díobhálach, má dhéantar iad toisc go ndearnadh tuairisc. Níl liosta uileghabhálach na samplaí atá liostaithe.

Níl cead agat gabháil d'aon cheann de na hiompraíochtaí seo a leanas i gcoinne duine a tharraing anuas údar imní do Sky, mar thoradh ar a dtuairisc:

- a) fionraí, scaoileadh, briseadh as post nó bearta coibhéiseacha.
- b) ísliú céime nó ardú céime a choinneáil siar.
- c) aistriú dualgas, athrú ar shuíomh na háite oibre, laghdú pá, athrú ar uaireanta oibre.
- d) oiliúint a choinneáil siar.
- e) measúnú feidhmíochta nó teistiméireacht fostaíochta diúltach.
- f) aon bheart araíonachta, iomardú nó pionós eile a fhorchur nó a ghearradh, lena n-áirítear pionós airgeadais.
- g) comhéigean, imeaglú, ciapadh, nó dúdhiúltú.
- h) leithcheal, cóireáil mhíbhuntáisteach nó éagórach.
- i) mainneachtain conradh fostaíochta sealadach a thiontú ina chonradh buan, i gcás ina raibh ionchais dhlisteanacha ag an oibrí go dtairgfí fostaíocht bhuan dó nó di.
- j) mainneachtain conradh fostaíochta sealadach a athnuachan nó é a luathfhoirceannadh.
- k) dochar, lena n-áirítear do chlú an duine, go háirithe sna meáin shóisialta, nó cailteanas airgeadais, lena n-áirítear cailteanas gnó agus cailteanas ioncaim.
- l) duine a chur ar liosta dubh bunaithe ar chomhaontú neamhfhoirmiúil nó foirmiúil ar fud na hearnála nó ar fud an tionscail, a d'fhéadfadh a bheith de thoradh air nach bhfaighidh an duine fostaíocht san earnáil nó san tionscal amach anseo.
- m) luathfhoirceannadh nó cealú conartha le haghaidh earraí nó seirbhísí.
- n) cealú ceadúnais nó ceada; nó
- o) atreoruithe síciatracha nó leighis.

Má bhraitheann tú gur fhulaing tú cóireáil dhíobhálach nó íospairt de bharr gur labhair tú amach, ba cheart duit é seo a tharraingt anuas mar **údar imní nua**. Is féidir leat é seo a dhéanamh ar na slite atá luaite sa Bheartas seo. Ar an dul céanna, ba cheart duit údar imní a tharraingt anuas má cheapann tú go bhfuiltear ag caitheamh go dona le duine eile nó leithcheal á dhéanamh air/uirthi mar gheall ar údair imní a tharraing siad anuas roimhe seo. Más fearr leat, is féidir leat é sin a dhéanamh gan ainm tríd an Líne Chabhrach agus an Tairseach.

4.5.2 Rúndacht

Clúdaíonn go leor ábhar údair imní cásanna agus imeachtaí ar dócha go mbeidh tionchar acu ar an bpobal i gcoitinne nó a bhfuil gné leas an phobail ag baint leo agus a d'fhéadfaí a mheas mar "Nochtadh Cosanta" de réir an dlí. Déanann dlíthe áitiúla idirdhealú maidir leis an gcaoi a mbunaítear cosaintí do sceithirí atá aitheanta go dlíthiúil, agus is féidir leo seo a bheith difriúil i ngach críoch ina bhfeidhmímid. Uaireanta is féidir nach dtagann saincheist a tharraingíonn tú anuas faoin sainmhíniú dlíthiúil ar 'Sceithireacht' sa chríoch atá i gceist agus d'fhéadfadh nach mbeadh feidhm ag na cosaintí dlíthiúla.

Is é beartas Sky a bheith comhsheasmhach sa tslí a chosnaítear daoine. Féachann Sky le cinntiú go gcosnaítear rúndacht, go háirithe go gcosnaítear aitheantas tuairisceoirí de réir a mianta agus go gcuirtear cosc i gcónaí ar fhrithbheartaíocht de chineál ar bith.

Má roghnaíonn tú tú féin a aithint agus tú ag tuairisciú, nó ag am ar bith ina dhiaidh sin, coinneoidimid é seo faoi rún nuair is féidir linn. I gcásanna neamhchoitianta b'fhéidir nach mbeadh sé seo indéanta: mar shampla, d'fhéadfadh go n-iarrfadh cúirt orainn d'aitheantas a nochtadh le linn imeachtaí dlíthiúla, nó d'fhéadfadh go mbeadh imní orainn go bhfuil sábháilteacht phearsanta duine i mbaol. Déanfaimid ár ndícheall chun cibé ar cheart agus conas is ceart dul ar aghaidh i gcásanna den sórt sin a phlé leat.

4.5.3 Géarú

Má tá imní ort nach raibh freagra Sky ar Údar Imní a d'ardaigh tú faoin mBeartas seo feiliúnach, is féidir leat é a ghéarú chuig Seaimpín Sky Listens Niall McGinnis (ar shlí ar bith lena n-áirítear ríomhphost chuig niall.macginnis@sky.uk) nó chuig Coiste Iniúcháireachta Comcast. Duine éigin atá neamhspleách ar an imscrúdú bunaidh a scrúdóidh do ghéarú.

4.6 Nochtadh Seachtrach & Comhairle

Bíonn Sky ag súil leis go léireoidh gach rannpháirtí in imscrúdú meas ar rúndacht an imscrúdaithe agus ar shonraí rúnda agus faisnéise Sky. Molaimid duit d'údar imní a tharraingt anuas le Sky roimh theagmháil a dhéanamh le cainéal seachtrach ionas gur féidir linn imscrúdú a dhéanamh agus beart cuí a dhéanamh a luaithe is féidir.

Níl comhairle ar an dlí sa Bheartas seo. Feidhmíonn Sky i raon leathan críocha agus ní hionann cearta sceithirí i ngach ceann acu. Spreagaimid gach duine chun a n-údar imní a chur in iúl dúinn, beag beann ar cibé an bhfuil feidhm ag dlíthe sceithreachta. Má úsáideann tú na bealaí atá leagtha amach sa bheartas seo is féidir linn meas a léiriú ar na rialacha áitiúla atá i bhfeidhm.

Má theastaíonn comhairle agus treoir uait maidir leis na dlíthe i do dhlíne áitiúil, is féidir leat dul i dteagmháil leis na heagraíochtaí seachtracha seo a leanas chun treoir neamhspleách a fháil:

UK: Protect (Carthanacht Neamhspleách Sceithreachta):

Web: <https://protect-advice.org.uk/> ([Public Concern at Work](#) roimhe seo).

Líne chabhrach: +44 (0) 203 117 2520

Ríomhphost: whistle@protect-advice.org.uk

AE: An tSeirbhís Eorpach um Ghníomhaíocht na Saoránach (ECAS), ag <https://ecas.org/> agus a “seirbhís Comhairle Eorpaí (YEA)”.

Domhanda: Líonra Idirnáisiúnta na Sceithirí ag <https://whistleblowingnetwork.org> ina dtugtar le chéile eagraíochtaí náisiúnta agus idirnáisiúnta neamhbhrabúis chun sceithirí a chosaint. Aibhsítear i Roinn na mBall eagraíochtaí áitiúla a d’fhéadfadh a bheith in ann cabhrú.

Más mian leat tuairisc a chur faoi bhráid rialtóir nó údarais phoiblí ábhartha, ba chóir duit a chinntiú go bhfuil sé seo ag teacht leis an reachtaíocht áitiúil. Iarrtar ort a thabhairt faoi deara go mb’fhéidir nach mbeidh tú faoi chosaint mar Sceithire má nochtann tú faisnéis rúnda lasmuigh de bhealaí atá ceadaithe de réir dlí.

5.0 Eisceachtaí ar an mBeartas seo

Ní cheadaítear eisceachtaí ar an mBeartas seo d’fhostaithe mar gheall ar dhéine na n-iarmhairtí a bhaineann le neamhchomhlíonadh an Bheartais seo do Sky agus duit féin..

6.0 Na hIarmhairtí má Sháraítear an Beartas seo

Is féidir go leanfaidh gníomh araíonachta suas go foirceannadh fostaíochta agus é sin san áireamh as mainneachtain an Beartas seo a chomhlíonadh (gan eisceacht ceadaithe, más cuí).

7.0 Sáruithe nó Údair Imní a Thuairisciú

Táimid ag súil go ndéanfaidh tú aon sáruithe amhrasta nó sáruithe iarbhír ar an mBeartas seo a thuairisciú trí úsáid a bhaint as aon cheann de na bealaí tuairiscithe atá ar fáil. D’fhéadfadh go n-áireofaí leis seo mar shampla nuair is eol duit go bhfuil comhghleacaí ag tarraingt údar imní anuas nach de mheon macánta é.

Ní chuireann aon ní sa Bheartas seo nó in aon bheartas Sky eile srian ar do chumas cumarsáid a dhéanamh le haon údarás inniúil, comhlacht rialaitheach iomchuí, oifigeach rialtais nó gníomhaireacht nó coimisiún, lena n-áirítear an U.S. Securities and Exchange Commission (Coimisiún um Urrúis agus Malartú SAM), an Financial Conduct Authority (an tÚdarás Iompair Airgeadais) nó a chomhionann áitiúil maidir le sáruithe dlí féideartha gan iad a nochtadh do Sky, mar a chosnaítear faoi na Dlíthe Idirnáisiúnta Sceithreachta.

8.0 Athruithe ar an mBeartas seo

Cinntíonn Sky go bhfuil a chuid beartas cothrom le dáta agus ceart do gach duine ag Sky. Féadfar an Beartas seo athrú ó am go chéile le fógra nó gan fógra.

Foilseofar an leagan is déanaí den Bheartas seo ar do inlíon áitiúil agus is ortsa atá an cúram mar fhostaí na ceanglais, nósanna imeachta agus ábhair eile atá leagtha amach sa leagan is déanaí den Bheartas seo a léamh agus a bheith ar an eolas fúthu i gcónaí.

9.0 Faireachán agus Athbhreithniú ar an mBeartas seo

Tá Úinéir an Bheartais freagrach as athbhreithniú agus cothabháil a dhéanamh ar an mBeartas seo ó am go ham agus as a chinntiú go ndéantar rialuithe agus nósanna imeachta rialachais agus maoirseachta cuí a dhearadh, a chur chun feidhme agus faireachán a dhéanamh orthu le húinéirí gnó áitiúla, go gcuirtear oiliúint ar fáil, agus as tuairisciú bainistíochta mar is cuí chun na rioscaí a chumhdaítear leis an mBeartas seo a mhaolú.

10.0 Point(e)(í) Teagmhála

Má tá ceist agat faoin mBeartas seo, déan teagmháil le do bhainisteoir líne, le hÚinéir an Bheartais, nó le do ghnáth-theagmhálaí Díl nó Comhlíontachta.

11.0 Úinéir an Bheartais

Úinéir an Bheartais: **Sky Group Security (Grúp-Slándáil Sky)**

Is é **Seaimpín Sceitheireachta** Sky Niall MacGinnis – An Grúp-Stiúrthóir Slándála.

12.0 Aguisíní

Aguisín A – Sainmhínithe agus Nótaí Míniúcháin

Tábla 1 – Téarmaí Sainmhínithe	
Téarma Sainmhínithe	Ciall
Comhpháirt(i)(ithe) Gnó	Maidir le sainmhíniú ar Sholáthraí, ciallaíonn sé aon eintiteas <i>eile</i> a bhfuil comhpháirtíocht ghnó aige le Sky.
Ciallaíonn Fochuideachta(i) Rialaithe-	fochuideachtaí agus cuideachtaí cleamhnaithe Sky nuair is faoi úinéireacht Sky, go díreach nó indíreach, atá os cionn 50% den rialú vótála.
Ciallaíonn Soláthraí(iithe)	aon ghnólacht nó duine aonair a sholáthraíonn táirgí, foirne, nó seirbhísí dúinn, lena n-áirítear a phearsanra, fochonraitheoirí agus gníomhairí.

Tábla 2 – Nótaí Míniúcháin	
Téarma	Míniú
clúdaíonn tríú páirt(i)(ithe)	aon duine aonair nó eagraíocht a mbíonn tú i dteagmháil leo le linn do chuid oibre do Sky, lena n-áirítear cliant iarbhír agus ionchasacha, custaiméirí, Comhpháirtithe Gnó, Soláthraithe, teagmhálaithe gnó, gníomhairí agus comhairleoirí [ach gan Oifigigh Rialtais san áireamh].

Aguisín B – Naisc Sheachtracha

Mionsonraítear acmhainní gaolmhara ar an taobh deas. D'fhéadfadh go mbeadh srianta beartais nó treoirlínte breise ar aonaid ghnó áitiúla Sky a cheanglófaí ort a léamh agus a chomhlíonadh freisin. **Féach inlíonta do bheartais ghnó áitiúil le haghaidh tuilleadh eolais.** Gheobhaidh tú sonraí thíos maidir le hacmhainní seachtracha a d'fhéadfadh a bheith úsáideach duit.

Comcast

[Comcast Corporation Code of Conduct \(Cód Iompraíochta Comcast Corporation\)](#)
[Comcast Corporation Code of Conduct for Suppliers and Business Partners \(Cód Iompraíochta Comcast Corporation do Sholáthraithe agus Comhpháirtithe Gnó\)](#)

Sky Group

[Ways of Working \(Slite Oibre\)](#) (An RA amháin faoi láthair)
www.ComcastSkyListens.com